

**Si Cristo nga Tawong
Dunay Tanang Pagbulot-an sa Langit ug sa Yuta**

Basahong Kasulatan: Mat. 7:29; 21:24; Luc. 5:24; Rom. 9:21-22; Heb. 13:17

I. Kinahanglan nga duna tay kahulogan sa pagbulot-an—Mat. 7:29:

- A. Ang labing maayong kahulogan sa pagbulot-an mao ang gahom o katungod sa pagsugo, pagdesider ug pagpasugot, nga kasagarang naggikan sa posisyon sa gahom o kahanas.
- B. Sa Biblia, ang pagbulot-an mao ang katungod sa moralidad sa paggamit og gahom, nga hingpit gyong naggikan ug nagsugod sa Dios.

II. Ang Dios maoy kinalabwang pagbulot-an; naa Niya ang tanang pagbulot-an—Rom. 9:21-22:

- A. Nagrepresentar sa Dios mismo ang pagbulot-an sa Dios; nagrepresentar lang sa buhat sa Dios ang gahom sa Dios—Mat. 21:24; Luc. 5:24.
- B. Ang pagbulot-an sa Dios mao gyod ang Dios mismo; naggikan ang pagbulot-an sa pagkamao mismo sa Dios—Bug. 22:1.
- C. Naggikan sa Dios—ang tanang pagbulot-an—espirituhanon, iya-sa-posisyon, ug pangagamhanan—2 Cor. 10:8; 13:10; Juan 19:10-11; Gen. 9:6.
- D. Matandog ngani nato ang pagbulot-an sa Dios, matandog nato ang Dios mismo—Isa. 6:1-5:
 - 1. Pareho ra kanang makahinagbo sa pagbulot-an sa Dios sa makahinagbo sa Dios—Amos 4:12.
 - 2. Pareho ra kanang makasala sa pagbulot-an sa makasala sa Dios mismo.
- E. Sa relasyon nato sa Dios, walay labaw pa kaimportante kaysa pagtandog sa pagbulot-an—Buh. 9:5; Mat. 11:25.
- F. Sulodnong pinadayag ang pagkaila sa pagbulot-an imbis dayag nga pagtulon-an—Buh. 22:6-16.
- G. Ang Dios ray direktang pagbulot-an sa tawo; dili direktang pagbulot-an ang ubang pagbulot-an—mga tinugyanang pagbulot-an, nga gitudlo sa Dios—Dan. 4:32; 34-37:
 - 1. Sa maatubang lang nato ang mga pagbulot-an sa Dios nga makapasakop ta sa mga tinugyanang pagbulot-an nga gitudlo sa Dios—Mat. 28:18; Heb. 13:17; 1 Ped. 5:5.
 - 2. Gisugo sa Dios nga magpasakop ta dili lang Kaniya kondili sa tanang tinugyanang pagbulot-an sab—Rom. 13:1-7; 2 Cor. 10:8; 13:10; Heb. 13:17.
 - 3. Kadtong dili magpasakop sa dili direktang pagbulot-an sa Dios dili sab magpasakop sa direktang pagbulot-an sa Dios.
 - 4. Gusto ang Dios nga magpasakop ta sa dili direktang pagbulot-an—sa tinugyanang mga pagbulot-an—aron makadawat tag espirituhanong sangkap.
- H. Mahinagbo gyod unta natong tanan ang pagbulot-an, malimitihan sa Dios, ug magiyahan sa Iyang tinugyanang pagbulot-an—Isa. 37:16; Fil. 2:12; Heb. 13:17.

III. Dunay duha ka dagkong prinsipyo sa uniberso—ang pagbulot-an sa Dios ug ang pagsupil ni Satanas; may kalabotan sa pagbulot-an ang bugtong panagsumpaki tali sa Dios ug ni Satanas—Buh. 26:18; Col. 1:13:

- A. Ang pagsupil pagdumili man sa pagbulot-an sa Dios ug pagsalikway sa pagbuot sa Dios:

1. Sa sinugdan si Satanas mao ang arkanghel nga gilalang sa Dios, apan tungod sa iyang garbo gipausbaw niya ang iyang kaugalingon, gisupak ang pagbuot sa Dios, nisupil sa Dios, nahimong kabatok sa Dios, ug nag-establisar sa kaugalingon niyang gingharian—Isa. 14:12-14; Ezeq. 28:2-19; Mat. 12:26.
2. Sa nakasala ang tawo, nisupil siya sa Dios, nilimod sa pagbulot-an sa Dios, ug nagsalikway sa pagbuot sa Dios; hiniusang nisupil ang tawo sa Dios didto sa Babel aron walaon ang pagbulot-an sa Dios sa yuta—Gen. 3:1-6; 11:1-9.
- B. Bisan nisupil si Satanas sa pagbulot-an sa Dios ug bisan nisupak ang tawo sa Iyang pagbulot-an pinaagi sa pagsupil Kaniya, dili motugot ang Dios nga magpadayon kining pagsupila; establisaron Niya ang Iyang gingharian dinhi sa yuta—Bug. 11—15.
- C. Ang sentro sa panaglalis sa uniberso kalabot man kon kinsa ang dunay pagbulot-an—4:2-3:
 1. Makigbisog gyod ta ni Satanas pinaagi sa pagbarog nga naa sa Dios ang pagbulot-an—Buh. 17:24, 30.
 2. Ipatumong gyod nato ang atong kaugalingon nga magpasakop ug mokupot sa pagbulot-an sa Dios—Mat. 11:25.
- D. Mas seryoso ang sala sa pagsupil kaysa bisan unsang klase sa sala—1 Sam. 15:23.

IV. Magbaton gyod ning mga katakos ang tawong morepresentar sa Dios nga dunay pagbulot-an (ang tinugyanang pagbulot-an):

- A. Magpasakop gyod siya sa pagbulot-an—Mat. 8:8-9.
- B. Makaamgo gyod siya nga wala siyay pagbulot-an sa iyang kaugalingon—28:18; 2 Cor. 10:8; 13:10.
- C. Makaila gyod siya sa pagbulot-an sa Dios—Efe. 1:9; 5:17.
- D. Magdumili gyod siya sa kaugalingon—Mat. 16:24.
- E. Mahiusa gyod siya sa Ginoo ug magkinabuhi nga kanunay ug suod nga nakigambitay sa Ginoo—1 Cor. 6:17; 1:9; 1 Juan 1:3.
- F. Dili gyod siya mag-subjectibo ug dili mobuhat uyon sa kaugalingon niyang pagbati—2 Cor. 3:5.
- G. Malulot ug magrasyahon gyod siyang magtagad sa uban—Luc. 6:35; itandi sa Rom. 5:15-16; 1 Cor. 2:12.
- H. Mahimo gyod siyang tawo diha sa pagkabanhaw, nga nagkinabuhi sa nabanhawng kinabuhi ni Cristo—2 Cor. 1:9; 4:14.
- I. Magpaubos gyod siya atubangan sa Dios—Num. 14:5; 16:3-4, 22, 45; Mat. 11:29; Rom. 12:16; Luc. 14:7-11; 1 Ped. 5:5-6.
- J. Mangako gyod siya sa mga sala—Exo. 16:7; Num. 14:2, 5, 9, 27; Mat. 6:14-15; 1 Cor. 4:6-13.
- K. Makamatikod gyod unta siya nga wala siyay kahimoan ug dili husto—Exo. 3:11; 4:5, 7, 10; 2 Cor. 3:5; 1 Cor. 15:10.
- L. Husto gyod siyang makarepresentar sa Dios—Num. 20:2-13; 2 Cor. 5:18, 20; Efe. 6:20.

V. Ang labing importante ug labing espirituhanong pag-ampo mao ang pag-ampo nga dunay pagbulot-an—Mat. 18:18; Mar. 11:20-24:

- A. Ang pag-ampo nga dunay pagbulot-an sugo man nga gibasi sa pagbulot-an—Isa. 45:11; Mar. 11:20-24:
 1. Ang pag-ampong dunay pagbulot-an pag-ampo man nga nagsugo—Isa. 45:11.
 2. Kon nagtinguha ta nga ugdang ug bililhon ang mga pag-ampo nato atubangan

sa Dios, kinahanglan ta nga mosugo nga dunay pagbulot-an atubangan sa Dios—Mar. 11:23.

- B. Duha ang aspeto sa pag-ampo nga dunay pagbulot-an—naggapos ug naghubad—Mat. 18:18:
 - 1. Ang kasagarang mga pag-ampo mga pag-ampo man nga nangamuyo sa Dios sa paggapos ug paghubad.
 - 2. Ang mga pag-ampo nga dunay pagbulot-an pag-ampo man nga mogamit ta sa atong pagbulot-an sa paggapos ug paghubad.
- C. Ang pag-ampo nga dunay pagbulot-an pag-ampo man nato sa pag-ampo sa Marcos 11:20-24—usa ka pag-ampo nga wala ipatumong sa Dios kondili “ning bukira”—v. 23:
 - 1. Ang pag-ampo nga dunay pagbulot-an dili man pagpangamuyo sa Dios nga mobuhat; paggamit hinuon kini sa pagbulot-an sa Dios ug pag-aplikar ning pagbulot-ana sa pagsulbad sa mga problema ug mga butang nga angay kuhaon—v. 23.
 - 2. Ang pag-ampo nga dunay pagbulot-an dili man direktang pagpangamuyo sa Dios; pagsulbad hinuon kini sa mga problema pinaagi sa direktang paggamit sa pagbulot-an sa Dios—Exo. 14:15-27.
 - 3. Ang labing importanteng buhat sa mga mananaog pagpadangat man sa pagbulot-an sa trono dinhi sa yuta; kon gusto nato mahimong mananaog, magkat-on gyod ta sa pag-ampo nga dunay pagbulot-an ug pagsulti sa bukid—Bug. 11:15; 12:10.
- D. Kon moampo ang iglesia nga dunay pagbulot-an, magbuot kini sa Hades—Mat. 16:18:
 - 1. Dunay pagbulot-an ang iglesia nga magbuot sa tanang satanasnong butang.
 - 2. Buntogon gyod sa iglesia ang tanang kalihokan sa daotang mga espiritu pinaagi sa pag-ampo ug magbuot gyod pinaagi sa pag-ampo—Luc. 10:17-19; Mat. 18:18.
- E. Kon moampo ta nga dunay pagbulot-an, magpasakop gyod una ta sa pagbulot-an sa Dios; kon dili ta magpasakop sa pagbulot-an sa Dios kalabot sa Iyang posisyon ug pagbulot-an sa inadlaw natong pagkinabuhi ug sa tanang praktikal nga butang, dili ta makaampo nga dunay pagbulot-an—Isa. 45:11; 1 Ped. 5:6; Bug. 22:1.
- F. Nagsugod sa langit ug nidangat sa yuta ang pag-ampong dunay pagbulot-an—A. A. 4:8; 6:10; Efe. 1:22-23; 2:6; 6:18:
 - 1. Giampo gikan sa langit nganhi sa yuta ang pag-ampong dunay pagbulot-an; nagsugod kini sa langitnong posisyon ug nanaog gikan sa langit nganhi sa yuta—2:6.
 - 2. Ang pag-ampo nga paubos pagbarog man nato sa posisyon nga gihatag ni Cristo kanato sa kalangitan, pagsugo nato ni Satanas uban ang pagbulot-an ug pagsalikway nato sa tanang buhat niya, ug pagmantala uban ang pagbulot-an nga tumanon gyod ang tanang sugo sa Dios—Mat. 6:9-10.
- G. Pagkayab ang posisyon sa pag-ampo, ug pagkayab sab ang pag-ampong dunay pagbulot-an; pag-ampong dunay pagbulot-an ang tanang pag-ampo diha sa pagkayab—Efe. 2:6; 1:22-23:
 - 1. Ang pag-ampong dunay pagbulot-an pag-ampo man sa tawong makasugo pinaagi sa pagbarog sa posisyon sa pagkayab—Isa. 45:11.
 - 2. Kon naa ta sa posisyon sa pagkayab, pareho ra ang atong pag-ampo sa administrasyon sa Dios; kini unya ang pagtuman sa Iyang mga sugo—Bug. 8:3-5.

- H. Kon moabot ta sa punto nga naa tay langitnong posisyon ug langitnong pagbulot-an ug tungod niana makaampo ta nga dunay pagbulot-an, naa ta sa trono, nga naghari uban sa Ginoo—Efe. 2:5-6; Bug. 3:21; itandi sa Ezeq. 1:26:
1. Ning panahona, dili lang pag-ampo nga dunay pagbulot-an ang atong pag-ampo kondili pag-ampo sab nga naghari, ug mahimong administrasyon sa Dios ang atong pag-ampo, ang pagpatuman sa pagbuot sa Dios—Rom. 5:17, 21; Mat. 18:18; Bug. 8:3-5.
 2. Kon andam tang magkat-on, moabot ta sa punto nga makaampo ta aron matuman ang walay kataposang tuyo sa Dios—Efe. 1:10-11; 3:9-11.